



Starfsleyfis skilyrði fyrir skotvöll Skotdeildar Keflavíkur á Hafnarheiði

1. Gildissvið og almenn atriði

- 1.1 Starfsleyfis skilyrðin gilda fyrir starfsemi Skotdeildar Keflavíkur, 620894-2739 á Hafnarheiði hér eftir nefnd rekstraraðili. Starfsleyfið er gefið út í samræmi við lög nr. 7/1998 um hollustuhætti og mengunarvarnir, með síðari breytingum og reglugerð 550/2018 um losun frá atvinnurekstri og mengunarvarnaeftirlit, með síðari breytingum og reglugerð nr. 724/2008 um hávaða. Til viðbótar við starfsleyfis skilyrði þessi ber að fylgja, eins og við á, ákvæðum almennra starfsleyfis skilyrða fyrir mengandi starfsemi ásamt öðrum lögum og reglugerðum sem eiga við fyrir starfsemina.
- 1.2 Starfsleyfið gildir fyrir rekstur skotvallar utandyra og öll mannvirki er tengjast skotiðkun innan athafnasvæðis skotfélagsins samkvæmt meðfylgjandi lóðarupprætti. .
- 1.3 Starfsleyfið skal endurskoða ef mengun af völdum starfseminnar er meiri en búast mátti við þegar starfsleyfið var gefið út. Sömuleiðis skal endurskoða leyfið ef fram koma auknar kröfur um mengunarvarnir eða ef breytingar verða á bestu fánlegu tækni sem gera það kleift að draga umtalsvert úr umhverfisáhrifa án óhóflegs kostnaðar.
- 1.4 Verði veruleg breyting á rekstrinum sem gæti leit til aukinnar mengunar ber rekstraraðila að sækja um starfsleyfi að nýju.
- 1.5 Fylgi rekstraraðili ekki ákvæðum starfsleyfis, laga og reglugerða um mengunarvarnir á starfsviði sínu eða fyrirmælum eftirlitsaðila um úrbætur getur eftirlitsaðili beitt ákvæðum XVII kafla laga nr. 7/1998 um hollustuhætti og mengunarvarnir, m.s.b. til að knýja á um úrbætur.
- 1.6 Opinbert eftirlit með starfsleyfis skyldri starfsemi fer fram skv. gr. 57 í reglugerð nr. 550/2018 um losun frá atvinnurekstri.
- 1.7 Starfsleyfi skal vera sýnilegt með áberandi hætti á starfsstöðinni. Eintak af starfsleyfis skilyrðum skulu ávallt vera tiltækt á athafnasvæði og skal rekstraraðili bera ábyrgð á að efni þeirra sé kynnt viðkomandi starfsmönnum.
- 1.8 Rekstraraðili ber ábyrgð á umhverfistjóni eða yfirvofandi hættu á slíku tjóni af völdum atvinnustarfsemi sinnar sbr. lög nr. 55/2012 um umhverfisábyrgð og skal koma í veg fyrir tjón eða bæta úr tjóni ef það hefur orðið og bera kostnað af ráðstöfunum sem af því leiðir.

2. Mengunarvarnir

- 2.1 Á nýjum og eldri skotæfingasvæðum þar sem blý og aðrir þungmálmar úr skotum geta dreifst skal leggja yfirborðslag úr jarðefni sem bindur vel þungmálma og er auðhreinisánalegt. Samráð skal haft við Heilbrigðiseftirlit Suðurnesja um val á efni og þykkt yfirborðslagsins. Þetta ákvæði á ekki við ef einungis eru notuð stálskot.



- 2.2 Fjarlægja skal blýmengaðan jarðveg við skotmörk riffilskotsvæðis eigi síðar en 1. október ár hvert. Halda skal eftir skriflegri staðfestingu fyrir móttökunni frá flutningsaðila og móttökustöð þar sem fram kemur nafn flutningsaðila, magn (kg, l), flokkun og gerð úrgangs. Sams konar upplýsingar skulu fylgja spilliefnunum.
- 2.3 Óheimilt er að nota leirdúfur með tjörubindiefni og leitast skal við að nota leirdúfur með sem minnstu innihaldi af PAH (fjölhringa arómatísk kolvetni).
- 2.4 Á leirdúfusvæði er óheimilt að nota skot sem innihalda blýhögl.
- 2.5 Við hvert skotstæði/völl skal vera sorpflát fyrir tóm skothylki.

3. Hávaðavarnir

- 3.1 Rekstraraðili skal sjá til þess að hávaði frá starfseminni við íbúðarhúsnæði fari ekki yfir 50 dB(A) saman ber reglugerð 724/2008 um hávaða.
- 3.2 Heilbrigðiseftirlit Suðurnesja getur takmarkað opnunartíma, gert ítarlegar kröfur um hávaðavarnir eða gert kröfur um breytingar á skotstefnu ef starfsemin veldur ónæði í umhverfinu umfram það sem eðlilegt má teljast.

4. Skráningar

- 4.1 Rekstraraðila ber að hafa eigið eftirlit með starfseminni og skila árlega skýrslu til Heilbrigðiseftirlits Suðurnesja þar sem eftirfarandi kemur fram:
 - a. Hvenær skipulagðar æfingar fara fram á vellinum.
 - b. Áætlað magn (kg) blýs sem fellur á völinn við æfingar.
 - c. Fjöldi leirdúfa sem notaðar eru og tegund þeirra.
- 4.2 Almenn hreinsun skal fara fram á athafnasvæðinu að minnsta kosti einu sinni á ári þar sem tóm skothylki, forhlöð og annað sorp er hreinsað af svæðinu.

5. Starfssemi hætt

- 5.1 Flytji starfsemin eða leggist niður skal rekstraraðili hreinsa svæðið sem starfsemin hefur til umráða ásamt áhrifasvæði starfseminnar. Hreinsunin skal fara fram í samráði við Heilbrigðiseftirlitið.
- 5.2 Hreinsun lóðar og áhrifasvæðis eftir að starfsemi skv. þessu starfsleyfi er hætt telst ekki lokið fyrr en úttekt Heilbrigðiseftirlits Suðurnesja hefur farið fram og Heilbrigðiseftirlitið metið hreinsunina fullnægjandi.

Reykjanesbær 27. september 2021



Heilbrigðiseftirlit
Suðurnesja

